



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Vesperis. V.

urn:nbn:de:hbz:466:1-40244

ritana Christus sermonem habuit.
Hæc Anastasius Sinaita lib. Comm. in
Hexaëm. 7. hora *Nona* Cornelius
Angelum vidit, Att. 10.

3 Ordo trium Horarum minorum
habetur in Rubricis, ille idem qui
legitur apud Hugonem in Spec. Ec-
cles. cap. 3. in quo ex Amalar. lib. 4.
de Off. cap. 3. impletur illud Aposto-
li ad Ephesios: In Psalmis, Hymnis,
& Canticis (quæ Cantica exponit ille
eis Responsoria brevia) cantantes,
&c. Psalmi vero tres, inquit idem,
protegunt nos in tribus horis sequen-
tibus: nam quælibet ex his tribus ho-
ris tres continet temporis horas, vt
patet; imò, vt idem ait cap. 1. ibi-
dem, in Prima, Tertia, Sexta & Nona
duodecim canimus Psalmos (in Fe-
tis) pro numero duodecim Horarum
dici, vt Deo præsentes sumus omni-
bus horis.

4 Addit Hugo loco citato, in Psal-
mis opera denotari, quia Psalterium
manu sonatur; in Antiphona, quæ est
reciproca, charitatem geminam: &
coniungitur Psalmis, quia sine chari-
tate nulla sunt & nullius meriti opera
nostra. Capitulum autem esse exhor-
tationem boni operis: Responsorium
breve nouum opus bonum significare:
in Versu ad Deum fructum bo-
ni operis contineri. & his positis, O-
ratio, seu Collecta in fine rectè con-
cludit Horam.

De Vesperis.

C A P . V.

Vespera à sidere quod Ve-
sper nominatur, & deciden-
te Sole oritur, inquit Isi-
dorus lib. 1. d' Offic. cap. 20. Sed ex
Iansenio in Concordia cap. 57. latius

pater vocabulum: significat enim
tempus tum ante Solis occasum, vt
Matt. 14. Vespere facta actum est de
fatiandis quinque milibus; tum post
occasum Solis, vt ibidem additur:
Vespere autem facta solus erat ibi.
Lucernarium dicebatur à Hieron. in
Epist. ad Latam; & Lucernaris hora
à Cassiano lib. 3. de Can. cap. 3. eo
quod dum lucernæ accenderentur,
preces vespertinæ persolui solebant,
ait Azor. lib. 10. cap. 2. quæst. 10.
Duodecimam appellat Cœciliū Tu-
ronense II. can. 19. quia ultima diei
hora recitabantur. Durandus de Ret.
lib. 3. cap. 11. afferit, Ecclesiastis con-
stituisse, vt post Nonam decantaren-
tur, quo plures de populo adesse pos-
sent. Puto ergo, quod tardiū quām
nunc cantaretur Nona.

2 Certè à primis Vesperis inchoa-
tur Festum, quod forte à Davide
deduci potest: *Vespere*, inquit, ma-
nē, & meridie narrabo, &c. Psalmi
54. docet Amalar. de Ordine An-
tiph. cap. 16. deductum ab Hebræis,
quibus dictum est: *Festa vestra cele-
brabitis à vespere usque ad vesperam*.
Et verè magnitudo Festi exigit, vt
priùs incipiat, hoc est à Vesperis pri-
dianis, & tardiū terminetur, id est ul-
que ad Completorium diei Festi, c. 2.
de Ferijs in princip. Radulph. autem
Propos. 18. assignat huc ritum primarum
Vesperarum Dominicis, & qui-
buscumq; Festis nouem Lectionum.

3 Prima Vesperæ nobiliores sunt se-
cundis, teste Amalar. loco cit. quod &
hodie in Cappella Papali obseruatur,
quæ non habet secundas Vesperas co-
ram Papa, sed tantum primas, quia
initium Festi reputantur esse.

4 Præter ea quæ dicta sunt de pa-
ritate Vesperarum cum Laudibus ca-

pite 2. num. 5. hæc addi possunt in laudem Vesperarum: nam in Vesperis commemoratur Aduentus Domini converte mundi vespere, Hugo in Spec. cap. 3. tum in Vesperis offerebant Abraham & Patriarchæ Sacrificia, Gemma lib. 2. cap. 62. tum commendatur Sacrificium vespertinum à Davide Psal. 140.

5 Ordo in Rubricis nullam habet difficultatem ad mysteria vocor. Nam quinque Psalmi Vulnera Christi recordenda monent, quorum ultimum Vulnera hora vespertina fuit facta latere illatū, & in vespere mundi, Gemma lib. 2. cap. 62. Item, quia sicuti quinque sensibus quotidiano affectu tendimus ad tenebras; ita necesse est, ut initio noctis pro eis veniam preceremur, Amalar. lib. 4. de Offic. cap. 7. qui &c. addit ibidem, quod illis necesse est depolare quinque carnales suos sensus, quibus occidit verus Sol; ut in Matutino, id est in euasione peccatorum, quando Sol eis iterum inchoat oriri, possint latari. Tenemus etiam quinque hos Psalmos quasi lampades virginum quinque, ut veniente nocte Domino obuiam camus, ait idem de Ord. Antiph. cap. 6.

6 In Festis Sanctorum ijdem ferè dicuntur Psalmi qui in Dominica: quia sicuti Dominica victoriæ Christi resurgentis representat; ita Psalmi eiudem victoriæ per Christum resonant Electorum Domini, Amal. lib. 4. cap. 7.

7 De Capitulo, quod Lectionem vocat Amal. ibidem, & post Psalmos collocat: de Hymno, de quo Hugo post Capitulum in Spec. cap. 3. (non autem meminit Hymni Amal.) ut scilicet venienti Domino psallentes & iubilantes occurramus, ait Gemma

lib. 2. cap. 62. de Versu, quo conuersi ad Deum cum virginibus quasi ostium pulsamus, Gemma ibidem, dicitus fusiùs in seq. Sectione,

8 Canticum *Magnificat* passim vocatur in Ordine Romano Euangelium, quia ita est Luc. 1. & cantatur in Vesperis ob multas cancas. Primo, quia à Vesperis inchoatur Festum, & hoc Canticum in Euangeliō est in ordine primum. Secundo, Vesperæ sunt nobiliores Laudibus & Completorio; quibus ideo debetur Canticum nobilius. Tertio, quia sub vesperam beata Virgo peruenit in domum Elisabeth, quam saluat, & Canticum statim hoc componit, Benzoni in *Magn. libro 1. c. 12.* Quartò, Amalarius addit de *Ordine Antiphon.* cap. 6. ut Maria cuncto Cantico introducat virgines omnes quinque lampadibus, hoc est Psalmis quinque, præparatas ad Chantum. Quintò, ex eodem libro 4. de *Offic. cap. 7.* ut castigatis sensibus per quinque Psalmos, castigentur cogitationes cordis tumescientis cum humilitate, de qua in Cantico B. Virginis agitur. Sexto, ut animos fidem frequentior Dominicæ incarnationis memoria (quotidie namque dicunt) ad affectum devotionis accendat; & recognitata sœpius exempla Genitius illius in virtutum soliditate nos confirmet, & hoc præsertim in Vesperris; ut incumbente quietis tempore mens inde fatigata ad unionem scit considerationis colligat, idem ibidem. Septimò, & est Duran. lib. 5. cap. 9. ex Beda, *Magnificat* cantatur ad Vesperas, quia in ipsa vespere mundi suo assensu beata Virgo mundo succurrit perditō; & ipsa est Vespera Stella maris. Octauo denique, in

sexta lande ex Horis septem conuenit hoc Canticum cantari, in quo Dominus ille venisse dicitur, qui ad vesperam mundi venit ad nos in sexta mundi aetate.

9 De Oratione, Precibus, Suffragijs, & fine Vesperarum suis locis in Sectione sequenti.

De Completorio.

C A P. VI.

Vox Completorium reperitur primò in *Regula sancti Benedicti* cap. 42. Completam vocat Isidor. lib. 1. de Off. cap. 21. Vel quia in ea completur quotidianus vius cibi, potus & locutionis apud Regulares, ex Amalar. lib. 4. de Off. cap. 8. Vel quia in Completorio summa est perfectio diuinorum Officiorum, ex eodem de *Ordine Antiph.* c. 7. Vel quia completur dies seruitutis nostra, Germera lib. 2. cap. 64. Vel completur totum Officium diuinum, ait Beda in lib. *Medit. passion. Christi* cap. 1. Vel quia ipsamet dies completere a hora, Archid. in cap. *Solenit. de Confir. Dift.* 1.

2 Eius origo rei desumi potest cum Isidoro loco citato à Davide, qui *Psalm. 131.* Si dedero somnum, ait, oculis meis, donec inueniam locum Domino; vel à sancto Basilio, qui in *Reg. fusiū disp. Interrog.* 37. meminit Psalmi Qui habitat, licet Basiliū aliter explicit Francolin. 1. par. cap. 19. initio led. Durandus de *Rit.* lib. 3. cap. 12. quem sequuntur Azor. lib. 10. cap. 2. queſt. 11. & Suar. lib. 4. de Hor. Cām. cap. 5. num. 9. explicat de Completorio. Colligit Suar. Completorium ex Ambr. 5. *Hexaēm.* cap. 12. & lib. 3. de *Virgīnib.* Primò ex Cypriano vide-

tur posse colligi lib. 1. de *Oratione*, vbi ait: Recedente Sole ac discedente necessariō rursus est orandum; vbi in primo verbo *recedente* Vespertas, in altero *discedente* notat Suar. Completorium. Verū ijs primis temporibus rude fuit potius quam completum Completorium.

3 Additum fuisse Cassiani tempore simul cum Prima, certum est, vt docuimus *sprā cap. 3. huius Sectionis*, vbi etiam cum Prima comparauiimus Completorium.

4 Sequitur ex dictis, illud esse recitandum congruentius hora duodecima, nimirum quando Christus sepulture fuit traditus, in fine diei Paracœues, *Luc. 23.* quod fuse probat Frācolin. 1. par. cap. 18. sed ante diei finem (vt laici quoque interesse queant) statuisse Ecclesiam cantari posse, docet Durand. loco citato.

5 Hac autem Hora, inquit Turrecrēmata in *Regula sancti Benedicti Tractatu 107.* vt animalia à pastu reuerti solent; ita spiritus reuocandus est ab externis ad interiora. Item parandus est locus, in quo spiritus cum Deo quiescat; & contra fraudes dæmonum armandi sumus ante noctem, de quorum capite in *Lectione breui* dicitur: Quarens quem deuoret. Addit Hugo in *Spec. cap. 3.* Completorium significare gaudium Electorum, quod, completo eorum numero, complebit Deus in Sanctis suis in die generalis Resurrectionis in fine mundi; & ideo in fine diei recitatut.

6 Ordo Completorij per se patet. Lectio brevis ortum habuit à Lectione, ad quam hora Completorij conueniebant, præsertim Monachi, sicut ad eandem diximus post Primam, ex *Regula sancti Benedicti* cit. quod

H 2

notar